

BOSNA I HERCEGOVINA  
FEDERACIJA BOSNE I  
HERCEGOVINE  
TUZLANSKI KANTON  
OPĆINA BANOVIĆI  
OPĆINSKI NAČELNIK



БОСНА И ХЕРЦЕГОВИНА  
ФЕДЕРАЦИЈА БОСНЕ И  
ХЕРЦЕГОВИНЕ  
ТУЗЛАНСКИ КАНТОН  
ОПЋИНА БАНОВИЋИ  
ОПЋИНСКИ НАЧЕЛНИК

Adresa: Ul. Alije Dostovića br: 1. 75290 Banovići

Tel: 00387 35 87 50 30, Fax: 00387 35 87 66 47, e-mail: [opcina.banovici@bih.net.ba](mailto:opcina.banovici@bih.net.ba), Web: [www.opcina-banovici.com.ba](http://www.opcina-banovici.com.ba)

Broj: 01-05-1603/16- 4

Datum: 27.10.2016. godine

Na osnovu člana člana 69. stav (2) tačka e) , člana 70. stavovi 1., 4. i 6., a u vezi sa članom 90. Zakona o javnim nabavkama (Službeni glasnik BiH broj 39/14), člana 70. Zakona o organizaciji organa uprave u Federaciji Bosne i Hercegovine („Službene novine FBiH, broj 35/05 ) člana 15. Zakona o principima lokalne samouprave u Federaciji Bosne i Hercegovine („Službene novine FBiH“ broj 49/06) člana 42. Statuta Općine Banovići ( Službeni glasnik općine Banovići broj 3/08) u postupku javne nabavke radova i Preporuke Komisije za javnu nabavku 01-05-1603/16-3 od 27.10.2016. godine u postupku javne nabavke „Izrada grejne instalacije u garažnim prostorima“ Općinski načelnik donosi

#### ODLUKU O PONIŠTENJU POSTUPKA JAVNE NABAVKE

##### Član 1.

Prihvata se Preporuka Komisije za javnu nabavku broj: 01-05-1603/16-3 od 27.10.2016. godine i poništava se postupak javne nabavke „Izrada grejne instalacije u garažnim prostorima“ iz razloga što pristigle ponude ne ispunjavaju postavljene uslove u pozivu za dostavu ponude.

##### Član 2.

Ova Odluka stupa na snagu danom donošenja i objavit će se na internet stranici [www.opcina-banovici.com.ba](http://www.opcina-banovici.com.ba) istovremeno s upućivanjem svim ponuđačima koji su učestvovali u postupku javne nabavke, u skladu sa članom 71. stav 6. Zakona o javnim nabavkama( Službeni glasnik Bosne i Hercegovine, broj 39/14).

##### obrazloženje

Odlukom o pokretanju postupka javne nabavke radova broj: 01-05-1603/16 od 14.10.2016. godine donesenom od strane ovog organa pokrenut je postupak javne nabavke radova „Izrada grejne instalacije u garažnim prostorima“.

Predmetna javna nabavka predviđena je Planom javnih nabavki općine Banovići za 2016. godinu, broj: 01-05-1681/15 od 28.12.2015. godine, Izmjenom i dopunom plana javnih nabavki općine Banovići za 2016. godinu, evidencijski broj 138./16.

Javna nabavka radova sprovedena je putem postupka direktnog sporazuma.

Procijenjena vrijednost javne nabavke bez PDV-a je 3.000,00 KM.

Zahtjev za dostavu ponuda je prosljeđen sljedećim ponuđačima:

1. "TOPLING" d.o.o. Banovići, sa sjedištem u ulici Božička Banovića 8, 75290 Banovići,
2. "HELIOS" d.o.o. Banovići, sa sjedištem u ulici Radnička bb, 75290 Banovići

Komisija za javne nabavke imenovana rješenjem broj: 01-05-91/16 od 18.01.2016. godine, ovom organu dostavila je dana 27.10.2016. godine Zapisnik o ocjeni ponuda broj: 01-05-1603/16-2 od 27.10.2016. i Preporuku o poništenju postupka javne nabavke radova broj: 01-05-1603/16-3 od 27.10.2016. godine u postupku javne nabavke radova „Izrada grejne instalacije u garažnim prostorima“.

U postupku je utvrđeno da je Komisija za javnu nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 2 (dvije),
- da su blagovremeno zaprimljene 2 (dvije) ponude,
- da nema neblagovremenih ponuda,

- da su 2 ( dvije) ponude odbačene kao neprihvatljiva i to ponuda sljedećeg ponuđača:

1. Ponuđač "TOPLING" d.o.o. Banovići uz ponudu 1/010/16 od 17.10.2016. godine nije dostavio relevantan dokaz obavljanja profesionalne djelatnosti kako je traženo TD. Dostavljeni dokaz je Rješenje o obavljanju obrtničke djelatnosti i datirano je od 07.06.2011. godine što nije u skladu sa zahtjevima postavljenim u TD da je ponuđač dužan uz ponudu dostaviti Uvjerjenje nadležnog organa da se registrovani samostalni privrednik vodi u evidenciji registrovanih trgovinskih radnji i u pogledu starosti dokumentacije kojima se dokazuje ispunjenost postavljenog uslova, a to je da datum izdavanja dokumenta ne smije biti stariji od tri mjeseca računajući od dana predaje ponude.

2. Ponuđač "HELIOS" d.o.o. Banovići uz ponudu 1620 od 21.10.2016. godine nije dostavio relevantan dokaz obavljanja profesionalne djelatnosti kako je traženo TD. Dostavljeni dokaz datiran je 07.06.2011. godine što nije u skladu sa zahtjevima postavljenim u TD u pogledu starosti dokumentacije kojima se dokazuje ispunjenost postavljenog uslova, a to je da datum izdavanja dokumenta ne smije biti stariji od tri mjeseca računajući od dana predaje ponude.

Komisija je dostavila preporuku za poništenje predmetnog postupka javne nabavke jer pristigla ponuda nije prihvatljiva, dokument kojima se dokazuje sposobnost obavljanja profesionalne djelatnosti u skladu sa zahtjevima iz Poziva za dostavu ponude je stariji od tri mjesec.

Pravni osnov za poništenje postupka javne nabavke prema Preporuci Komisije za javne nabavke sadržan je u članu 69. stav 2. tačka d.) Zakona o javnim nabavkama („Službeni glasnik BiH“, broj 39/14) **tj. iz razloga što pristigla ponuda ne ispunjava postavljeni uslov u pozivu za dostavu ponude, a to je da ovjerena kopija rješenja kojim se odobrava obavljanje djelatnosti izdato od nadležnog organa, ne smije biti starije od 3(tri) mjeseca.**

Komisija preporučuje Ugovornom organu da razmotri uslove za nabavku i da na takvoj novoj osnovi pokrene postupak za dodjelu ugovora.

Ugovorni organ je donio Odluku kao u dispozitivu iz sljedećih razloga:

Ponude su tehnički neispravne i neprihvatljive tj. ne ispunjavaju uslove i zahtjeve iz Poziva za dostavu ponude.

Ugovorni organ prihvata preporuku Komisije za Javne nabavke za poništenje postupka javne nabavke.

U postupku ocjene provedenog postupka, ovaj organ nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je preporuka o poništenju postupka javne nabave donesena na osnovu razloga propisanih Zakonom o javnim nabavkama.

Iz navedenih razloga, primjenom člana 69. stav 2. tačka d.) Zakona o javnim nabavkama, odlučeno je kao u dispozitivu ove Odluke.

#### **POUKA O PRAVNOM LIJEKU:**

Protiv ove Odluke dopušten je prigovoru roku 5 dana od dana prijema Odluke. Žalba se dostavlja u tri istovjetna primjerka u pisanoj formi direktno ili preporučenom poštanskom pošiljkom na adresu Općina Banovići, ulica Alije Dostovića br. 1. 75290 Banovići.

#### **DOSTAVITI:**

1x Svim ponuđačima

koji su učestvovali u postupku JN

1x Sl. Za budžet, finansije i inspeksijske poslove

1x U spis

**OPĆINSKI NAČELNIK**

  
Mirhat Husić